



浙江圖書館






浙江圖書館



浙江圖書館



浙江圖書館



皇明從信錄卷八

東莞 陳 建輯

秀水沈國元

癸亥

洪武十六年

正月宋訥為國子監祭酒曹國公文忠領國子監事

得人

化神速

時太學初設學徒日衆師生相訐教尼不行故簡用公
又以學中多公侯子弟欲得威望重臣鎮壓之令曹國
公領監事助紂繩訥性嚴重推恩義身言並教鏗礪不
遺餘力寢食學箱不復家宿一時士皆適用上親御
制詞褒之適病遣中使諭卿稟天命之性發冲尼之誠
施已之幽德修道教人所以病不病而速差以其有神
也又嘗言宋祭酒骨格必壽適有畫工至命繪
其像甚肖上喜已念其老召其子麟侍養

上曰人主不能無好尚要當慎之蓋好功則貪名者進好
財則言利者進好術則游談者進好諛則巧言者進夫偏



能盡物情
之爲明

於所好者鮮有不累其心。故好功不如好德。好財不如好廉。好術不如好信。好諛不如好直。夫好得其正。未有不治。好失其正。未有不亂。所以不可不慎也。○上觀唐太宗帝範。謂侍臣曰。此雖非帝王精微之道。然語意備至。曲盡物情。使其子孫克守其言。亦足爲訓。自後女主竊柄。有乖君體。骨肉少恩。有乖建親。諂諛並進。有乖求賢。中見者忌之。讒佞者悅之。驕奢縱佚。罔知戒懼。夫且政令不行于天下。夫且小人朋比於國中。卒召藩鎮之禍。而唐祚遂衰。有國家者。其可不守祖宗之法乎。

二月吳沉等進精誠錄。先是上謂沉等曰。朕閱古昔帝王其垂訓立教。大要右有三。曰敬天。曰忠君。曰孝親。若能

二月吳況等進精誠錄。先是。上謂況等曰。朕閱古世皇帝

王其垂訓立教。大要有三。曰敬天。曰忠君。曰孝親。君能
天。臣能忠君。子能孝親。則人道立矣。然其言散在經傳。未
易會其要領。爾等其以三事。以類編輯。至是書成。上之
賜名曰精誠錄。○傅友德等平蒙化府。鄧川州。破佛光砦。
過金沙江。攻北勝府。擒僞平章高生。復平麗江府。平津等
州。前後斬首一萬三千餘級。蠻民降者四十萬戶。上以
雲南平。命耿炳文往諭傅友德班師。沐英留鎮雲南。麗川
之外有國曰緬。車里之外有國曰八百媳婦。皆請內附。○
上諭刑部尚書開濟都御史詹徽等曰。凡論囚須原情。不
可深入人罪。昨民有子犯法。當死。其父行賄求免。御史并

雲南平

皇明從行金 卷八
欲罪之。朕以父子至親。子死而父救之。人之至情也。故但論其子而赦其父。自今凡有論決。必再三詳讞。覆奏而行。毋重傷人命。

館

三月命刑部尚書開濟議定詐僞律條。○上與侍臣論歷代創業及國祚修短。侍臣皆曰。前代祚運之長。莫逾成周。其次莫如漢。諫議大夫唐鐸進曰。三代以後。起布衣有天下者。咸稱漢高帝。陛下而已。以臣觀之。漢高除秦苛法。雜霸不純。陛下革胡元弊政。一復中國先王之舊。所謂撥亂世。反之正。漢高不事詩書。陛下留心聖學。親洒宸翰。制諭萬方。卓然與典謨訓誥相表裏。是又豈漢

高所能及哉。上曰。此不足論。周家奕世積德。以有天下。

高所能及哉。上曰此不足論。周家奕世積德以有天下。然使其後君非成康。臣非周召。益修厥德。則文武之業。何能至八百年之久乎。使其後世子孫皆如成康。輔弼之臣皆如周召。則可以祈天永命。國祚愈昌。侍臣頓首曰誠如斯言。宗社萬年之福也。

四月令都司上衛所城池水陸地理圖。

六月 上御謹身殿。吳沉等進講周書。國則罔有立政。用儉人。上曰有小人必敗君子。故唐虞任禹稷。必去四凶。魯用仲尼。必去少正卯。小人巧於悅上。恐於賊下。人君者喜其順適已意。任其所爲。受害者必多。怨將誰歸。譬如犬

二者相濟
其禍烈矣

爾狀如畫

馬噬人。人不怨畜犬馬者乎。沉曰。小人中懷奸邪。而其言甚似忠信。不可不察。上曰。察之亦不易。小人善於逢迎。彼知人主所樂爲者。不顧非義。乃牽合附會。曰是不可不爲。知人主不樂爲者。不顧有益於天下。國家亦牽合附會。曰是不必爲。此誠國之賊也。自古以知人爲難。而知言亦不易也。

七月定武職妻妾封贈例。○定文官封贈廕叙例十一條。○遣御史錄因于諸省。上諭都御史詹徽等曰。民之休戚。係守令之賢否。激濁揚清。則風紀之官實司之。今御史及按察司。巡歷郡縣。凡官吏賢否。政事得失。風俗美惡。軍

民利病。悉宜究心。若徇私背公。矯直沽名。苛察瑣細。妄興

及按察司。巡歷郡縣。凡官吏賢否。政事得失。風俗美惡。軍民利病。悉宜究心。若徇私背公。矯直沽名。苛察瑣細。妄興大獄。遺奸不究。見善不舉。皆爲失職。卿等其宣布朕意。令其知之。

九月。令征南將軍申國公鄧鎮。左右副將軍臨江侯陳鏞。濟寧侯顧敬。率兵討龍泉山寇。平之。

十月。給諸番國勘合。上以海外諸國進貢信使往來。真

僞難辨。遂命禮部置勘合文簿。發諸國。俾往來俱有憑信。

稽考。以杜奸詐之弊。但遇入貢咨文。具於所經各布政司。比對勘合相同。然後發遣。于是暹羅占城琉球等五十九國。俱給勘合文冊。○頒鄉飲禮圖式。○高麗遣使張伯。崔

清來貢以違命却之令禮部諭玉。

按朝鮮周封箕子國也秦遼東外徼漢初為燕衛滿所據武帝取為真番臨屯樂浪玄菟四郡漢末為公孫氏所據魏滅公孫晉并于高麗高麗本扶餘別種王高璉居平壤即樂浪已而東徙鴨綠江東南千餘里後唐時王建代高氏并有新羅百濟又徙東松岳以平壤為西京子孫遣使朝貢宋遼金四百餘年元至元中兩京內屬置東寧總管府其國東西南濱海北鄰女直西北至鴨綠江東西兩距二千里南四千里分八道統府州郡縣俗柔謹知文字喜讀書崇釋尚鬼惡殺戴折風巾服大袖衫男女相悅為婚死三年始葬飲食用俎豆官吏閑威儀居皆茅茨衣多麻苧以田制俸以秬醞酒法無苛條刑不慘毒山川九都神嵩北岳海鴨綠江為大產金銀鍬山晶鹽細苧布白礬紙狼尾筆果下馬長尾雞貂豹海豹皮八梢魚昆布秬黍榛松人參茯苓之屬國朝洪武二年即奉表稱臣朝貢不絕至是以其違約不恭故諭責之

安陸侯吳復卒于貴州追封黔國公塑像祀于功臣廟。

整年日侯郭興卒追封陝國公

安陸侯吳復卒于貴州，追封黔國公，塑像祀于功臣廟。

鞏昌侯郭興卒，追封陝國公。

按典與滁陽王同名，故止名興。其父郭山甫，識于微時，命諸子謹事，復以女入侍，後為皇寧妃。孝慈崩，嘗攝六宮事。山甫追封榮國公。次子英亦封武定侯，德成驍騎指揮。

十一月命太常丞張來儀為滁陽王廟碑。

子興女亦為皇妃，生蜀王及

豫王，如意王。如禮部奏定歷代名臣祀典，從之。

秦蜀守李冰鑿山堰流，以備水旱，民始殷富。漢文翁為蜀守，仁愛化民，興學教子弟，宋張詠為蜀守，民畏而愛之。李冰已載祀典，文翁與詠未及奉祀，宜與李合為二祠。漢循良密令卓茂，河南丞縣有廟祀。黃霸，鈞州祠之。宜葺而祀之，以昭隆典。吳人陸遜及子抗，從子凱，當三國時，文武兼資，為吳將相，以勞定國。松江舊祠址尚存，宜令有司葺祠，致祭。四川隆川土神，垂休侯李龍遷，臣事于梁，築城保障。川蜀邦人祀之，雨暘疾疫，祈禱必應。唐狄仁傑，諫立廬陵王，復唐社稷，嘗謫為彭澤令。彭澤舊有祠宇，理宜褒祀。謝夷甫，肅宗時為京畿令，孟湜押

古來功在十國德及于民不止數賢此或時因郡之請而奏之欵黃亦當矣
是月從言錄
卷八
五

兵過境縱掠百姓夷甫捕而斬之李輔國譖之於朝流
建州卒葬于甌寧後見夢于帝立廟賜名靈通封武英
侯元九江路總管李輔與其姪秉昭臨難死節廟食于
九江義兵萬戶李宗可從余闕守安慶城陷闕死宗可
自刎余闕既立祠安慶宜館
以李宗可配享皆從之。

十二月初令儒學歲貢生員○降大學士吳宗伯為檢討
尋卒

宗伯金谿人。中開科狀元。性勁直。嘗指斥胡惟庸。累經
遷謫。大節不回。初業文。識者賞之。曰此兒玉光劍氣。終
不能掩。所著有南宮
使交。成均。玉堂。諸集。

甲子 洪武十七年

正月魏國公徐達鎮守北平。○以孔子五十七代孫訥襲
封衍聖公。○旌表山陰縣民徐允讓及其妻潘氏孝節。

封衍聖公○旌表山陰縣民徐允讓及其妻潘氏孝節

禮教

不明加以

兵革之後

倫性蕩然

聖祖崇獎

孝節其亦

化民之首

務欵

徐張夫婦

行孝于父

母一般而

其遇有奉

不幸焉君

子悲之

按元末兵亂讓與潘奉其父安避兵山中遇寇斫安

流血讓抱安大呼曰寧殺我毋害吾父寇捨安殺讓將

辱潘潘給曰夫死從汝必矣若能焚我夫則無憾也寇

信之縱潘聚薪焚其夫火方熾潘即投火中死寇驚歎

而去安得不死至是有司以聞詔旌其門時又有張宗

魯者鉤州人四歲失明二十遭亂負母路氏逃難其妻

扶掖以行歲飢賣卜以為養日給不足妻採野菜以繼

之天下既定奉毋還鄉竭力供養毋卒仍求其前毋吳

氏沈氏曹氏遺骸合葬矣鑿禮部以聞上

日宗魯以瞽子而能行孝如此命旌其門

二月更定都察院官詹徽為左都御史○定吏員資格○

詔建三法司于太平門鍾山之陰名曰貫城勅言貫索七

星如貫珠環而成象名天牢中虛則刑平官無私邪政平

訟理獄無囚人若凡星處貫內者刑官非人若中有星而

明為貴人無罪而獄今法天道置法司汝法司官各勵乃

三月

全要以人
事應天象
著而可驗

方定科式

旋申薦

之令之行

交相為用

心慎乃事。法天道行之。如貫索星之中。虛然。庶不負朕肇建之意。欽哉。

三月大赦天下。○頒行科舉成式。三年一大比。自是遂為定制。○詔舉秀才。人才。其法令有司會同。境內耆宿訪求德行。聲名著於州里之人。先從鄉里保舉。有司再驗言貌。書判方許進呈。若不行公同精選者。坐以重罪。

曹國公李文忠有疾。上與東宮臨幸其第。

觀之。是月丙戌卒。年四十有六。上痛悼。輟朝親製文遣。

使致祭。追封岐陽王。謚武靖。賜葬鍾山。配享太廟。塑像。

功臣廟位皆第三。

曹國公
披文忠器量沉闊。人莫測其際。臨陣蹈厲奮發。至遇敵敵。膽氣益壯。東征西討。建立殊勳。威振遐邇。各播華夷。

曹國公

聖祖嫡甥

也云為種

種相符麟

鳳固自有

本

分別了然

接文忠器量沉闕。人莫測其際。臨陣蹈厲奮發。至遇勁敵。膽氣益壯。東征西討。建立殊勳。威振遐邇。名播華夷。性好學。飾行。釋兵家居。恂恂若儒生。嘗師金華胡翰。講明性理之學。出為詩詞。皆雄壯可觀。上嘗命兼領國子監事。可謂文武全才矣。子昇隆。襲封曹國公。

四月 上謂諫議大夫唐鐸曰。言有邪有正。正言務規諫。

邪言務謗諛。謗言近于忠。諛言近于愛。惟不惑于謗言。則

聽日聰。而讒人自去。不眩于諛言。則智日明。而佞人自絕。

又曰。朕日總萬幾。所行有得失。非資人言。何由以知。故廣

開言路。以來眾言。言有善者。則獎而行之。風聞不實。亦不

加罪。惟讒佞面諛者。決不可容也。○傳友德等凱旋至京。

○平○雲南也

論功進封友德。穎國公。食祿三千石。封郭英。武定侯。胡海。

東川侯陳桓、普定侯張翼、鶴慶侯並食祿二千五百石，並
賜錢券子孫世襲。其仇成、張龍、王弼先已有功，身受封侯。
今功著征南，當及子孫，世世承襲，亦加祿二千五百石。吳
復金朝興先卒，亦授世襲侯爵，錢券加祿同。餘陞職賜金
帛有差。○更定內侍監局、司庫門、宮品、職。○諭遼東守臣
絕高麗。

五月鄒俊爲大理卿。

六月令朝覲官上土地人民圖。上覽輿地圖，侍臣有言
輿地之廣，古所未有者。上曰：地廣則教化難周，人衆則
撫摩難徧。此正當戒慎，天命人心，惟德是視，紂以天下而

下湯以七十里，而輿所係在德，豈在地之大小。○上御奉

撫摩難偏此正當戒慎天命人心惟德是視紂以天下而

二者補洩之權通為操者也

亡。湯以七十里而興所係在德。豈在地之大小。○上御奉天門。諭羣臣曰。治天下之道。禮樂二者而已。若通於禮而不通於樂。非所以淑人心而出治道。達於樂而不達於禮。非所以振綱紀而立大中。必禮樂並行。始治化醇。一若刑政二者。不過輔禮樂為治耳。苟治徒務刑政。則在上者雖有威嚴之政。必無和平之美。在下者雖存苟免之心。終無格非之誠。大抵禮樂者。治平之膏梁。刑政者。救弊之藥石。卿等于政事之間。宜知此意。慎毋以禮樂為虛文也。○禮部製大成樂器。頒天下儒學。

七月河南大水。命賑恤之。○盱眙人獻天書。伏誅。○建朝

言路不廣
則此輩亦
何敢進一
字

天宮設道錄司于內郎吳冶城晉西州故址○皮作局大
使許士哲言治道之急者十有四其目曰明賞罰以清官
吏問疾苦以安民生均賦役以甦民力嚴銓選以擇賢才
揀精卒以杜妄費興武舉以羅英才崇節義以厚風俗明
禮樂以教萬民立平準以利商賈置常平以惠農民用直
臣以任彈糾開言路以通民情滅亡胡之餘燼以絕後禍
鑒前代之興亡以壽國脈上善其言

八月吏部尚書余燠定考績法○以通經儒士陳玄為右
僉都御史林芝為司經局試正字

九月初擢考滿課最官員河南淮慶府通判戴莊湖廣都

九月起擢考滿課最官員河南淮慶府通判戴莊湖廣都

司副斷事高翼陝西靖寧州判官元善俱為右僉都御史

東昌府教授馮獻為左贊善○江寧處士陳遇卒

真品

高子高尚

遇初為元溫州路教授兵亂隱于家國初以秦元之薦上致書禮徵與語大悅俾典戎務籌畫禮待甚厚稱為先生而不名上駕屢幸其第咨以機密授以官輒辭常命為翰林學士者再又命為太常卿為禮部侍郎最後除禮部尚書皆固辭每召見賜坐顧問賜宴賜肩輿按尉十人昇其出入前後賜賚無筭羣臣以過被譴者率為解救上亮其誠未嘗為忤命其子克宿衛亦辭蓋恬淡靜退始終一致至是卒遣中官賜祭及賻賜葬

山鐘

十月冊李氏為淑妃攝中宮事○景川侯曹震請開四川

峨眉至建昌古驛道從之○秀才宋矩等十七人為監察

御史

皇明通志

卷八

九

閏十月。大明清類分野書成。○欽天監博士元統言。今曆雖以大統爲名。而積分猶授時之數。見授時之法。以至元辛巳爲曆元。至洪武甲子積一百四年。經云。大約七十年而差一度。每歲差一分五十秒。辛巳至今。年遠漸差。臣今以洪武甲子歲冬至爲大統曆元。推衍開磨勘司令王道亨有師郭伯玉者。精明九數之理。若得此人。推大統曆法。庶幾可成一代之制。蓋大道無端。惟數可以推其機。天道至妙。因數可以明其理。是理因數顯。數從理出。可相倚而不可相違也。上是其言。擢統爲監正。欽天監監副李德茂又言。故元至元辛巳爲曆元。上推往古。每百年長一日。

每百年消一日。且永久不可易也。今監正元統改作洪武甲子。

哉又言故元至元辛巳爲曆元上推仲古每百年長一

每百年消一日永久不可易也今監正元統改作洪武甲

子曆元不用消長之法非是今當用至元辛巳爲曆元及

消長之法方合天道疏奏元統復爭之上曰二統皆難

憑只驗七政交會行度無差者爲是自是欽天監造曆以

洪武甲子爲曆元仍依舊法推筭不用捷法○製觀星盤

十一月以孔子五十六世孫希文爲曲阜世職知縣○上

謂部臣曰近命遼東立學校或言邊境不必建學夫聖人

之教猶天也天有風雨霜露無所不施聖人之教亦無往

不行管箕子居朝鮮施八條之約故男遵禮義女尚貞信

管寧居遼東講詩書陳俎豆飾威儀明禮讓而民化其德

道化隨施
輒效風氣
之說甚陋

曾謂邊境之民不可以教乎。况武臣子弟。久居邊境。鮮聞禮教。恐漸移其性。今使之誦詩書。習禮儀。非但可以造就其才。他日亦可資用。

十一月待詔朱善請弛舅姑兩姨子女婚姻禁從之。

乙丑 洪武十八年



正月劉三吾為翰林學士。○朱善為文淵閣大學士。○命

江夏侯周德興等往河南招集故元將校。○福建按察使

陶垕仲劾奏布政使薛大方貪暴。大方誣訐垕仲至京事

白。大方得罪。詔垕仲還官。閩人迎拜語曰。陶使再來。天有

眼。薛公不去地。無皮。後卒于官。

好語

皇仲初以國子生。御史彈擊不避權勢。上重之。陞為按察使。時福建建文帝徵諸將。黃緣為奸。垕仲至台。賊使

服薛公不封地無皮後卒于官

屋仲初以國子生提御史彈擊不避權勢。上重之。陞為按察使。時福建多滯獄吏。夤緣為奸。屋仲至治賊吏數十人。盡革其宿弊。又興學勸士。撫恤軍民。性儉薄。俸給有餘。悉施貧者。

松州衛控制西番。其軍士糧餉。悉令旁近州縣運給。

二月初昏。五星並見。未直言。○錄軍國重事。太傅右丞相

魏國公徐達卒。達自五年北征還。即命沿邊輯守。歲鎮於

燕。至是年。始召還京師。至冬。疾作。卒。年五十四。上慟悼。

罷朝。親為文祭之。追封中山王。謚武寧。賜葬鍾山之陰。

上謂羣臣曰。朕起自徒步。大將軍為股肱。心膂。戮力行陣。

東征西討。削平群醜。克濟大勳。今邊胡未殄。方倚任為萬

里長城之寄。而太陰累犯。上將不意。遽殞其命。天何奪吾

情至語字
帶淚痕

便是大將
軍像

將之速。朕夜來竟夕不寐。歔歔流涕。思盡心國家。為社稷之重。安得復有斯人。乃欲有以報之。無所用其情耳。但其勛烈。宣于金石。使後世知斯人為國之元勳也。遂親製神道碑。稱其平昔言簡慮精。當提兵之時。令出不二。諸將敬若神明。所至攻城不屠。與人不戲。凡受命而出。及成功而旋。每不自矜。至于封姑蘇之府庫。置胡宮之美人財寶。無所取。婦女無所愛。忠志無疵。昭明乎日月。命配享太廟。塑像祀于功臣廟。位皆第一。祖考三代皆封王爵。子男四人皆上。所賜名。輝祖。襲魏國公。添福。勳衛。增福。左都督。應緒。都督。僉事。女四人。長仁孝文皇后。次安王妃。

次代王妃

晉應緒都督令會事女四人長 仁孝文皇后次 安王妃

次代王妃

傳信錄云武寧夜侍飲強之醉既命內侍送至為吳王時所居宿焉中夜酒醒問曰此何處內侍曰舊內也即起趨丹陛下北面四拜三叩頭而出上聞之喜自此愈信愛不疑武寧嘗南征至姑蘇聘一女子約之曰且不即納當為後期及師旋悔之令其它適女父堅求送女侍中櫛武寧固拒更遺數十金助資妝以謝負約厚德類如此

會試天下貢士取分宜黃子澄第一新淦練子寧次之既而殿試以建陽丁顯為第一子寧次之子澄又次之並授翰林修撰○大學士宋訥上守邊策略曰今海內既安蠻夷奉貢惟沙漠未遵聲教若置之弗治恐歲久滋患邊圉卒荒若窮追遠擊恐士馬疲費餽餉艱難 陛下為聖子

皇月從言錄 卷八 三

神孫萬世計。莫若善備邊之策耳。備邊固在乎足食。足食又在乎屯田。今諸將中豈皆借才於異代哉。宜選其智勇謀略者數人。每將以東西五百里爲制。隨其遠近高下。分屯所領衛兵。斟酌損益。率五百里一將。彼此相望。首尾相應。耕作以時。訓練有法。遇敵則戰。寇去則耕。此長久安邊之策也。上善其言。

三月遣使諭靖寧侯葉昇等曰。邇者上天垂象。沿邊城池宜加慎守。凡外寇入境。但當保障清野。靜以待之。俟其怠歸。急擊勿失。不宜輕出境外。蹈其不測也。○初選進士爲翰林院承勅監六科。成吉士。上以諸進士未更事。俾觀

政諸司各照出身資格。月給俸米。其在翰林承勅監等近

翰林院承勅監六科庶吉士 上以諸進士未更事俾觀

政諸司各照出身資格月給俸米其在翰林承勅監等近
侍衙門者取庶常吉士之義稱為庶吉士其在六部諸司
者仍稱進士

四月五色雲再見○思州及五開山諸峒蠻夷作亂命信
國公湯和江夏侯周德興率師討之蠻寇聞王師至輒竄
匿山谷退則欲復出剽剝和等乃於諸峒分屯勦捕夷其
窟穴俘戮四萬餘人旋師是秋周德興卒

按開國功臣皆有祭賻贈卹恩典
德興無載者蓋獲謹也餘倣此

湯和還京師以年高思歸故鄉從容乞骸骨上喜之賜
鈔五萬俾還鳳陽面諭和曰日本小蠻屢擾東海卿等老

強為朕行視要地築城增戍以固守備。和行築海上數十城。民四丁取一為兵以守之。○吏部尚書余燠以罪誅。時國子祭酒宋訥以嚴為眾所嫉。助教金文徵與燠同鄉。謀逐之。吏部移文令訥致仕。訥陛辭。上驚問故。遂鞠得實。以燠專擅威柄。并文徵等誅之。

明廷清明

五月雲南叛服不常。軍儲不給。沔陽指揮僉事潘進力修屯田。以足軍食。甲兵精利。遷為雲南右衛指揮同知。○朱善進觀心箴。上曰。人心道心。有倚伏之機。蓋仁愛之心。生則伎害之心息。正直之心存。則邪誑之心消。羞惡之心形。則貪鄙之心絕。忠慤之心萌。則巧偽之心伏。故人常持

此心不為情欲所蔽。則至公無私。而自無物我之累矣。

勞當逮之
吏爲民而
屈其法也

此心不爲情欲所蔽。則至公無私。而自無物我之累矣。
六月定天下官。負三年一朝。賞其紀功圖冊。赴部考覈。著
爲令。○并徒知縣胡孟通。縣丞郭伯高。金壇縣丞李思道。
以事當就逮。民數十餘人詣闕。疏其撫民有方。特命釋之。
仍遣使徃勞。以酒。○上閱漢書。謂侍臣曰。漢文恭儉玄默。
則有之。至于用人。蓋未盡道。初將相大臣。迎自代邸。卽位。
首拜宋昌爲衛將軍。張武爲郎中令。其諸將相公侯宗室。
大臣。皆在所緩。非所以示至公也。有一賈誼而不能用。竟
死。長沙竇廣國賢。欲相之。以后弟不可。曰。恐天下以吾私
廣國。夫以廣國之賢。爲天下用之。何避私嫌乎。此其於用

人之道所以有未盡也。侍臣言明帝亦漢之聰明主。上曰：人主不以獨見爲明，而以兼聽爲明；通于人情，察于是非，則聰明得其正矣。若屑屑于細故，則未免爲苛察。上苛察，則下急迫，反有累于聰明也。

七月，山東北平雨水愆期，歲苗有虧，詔今歲秋糧盡行蠲免。今後凡有水旱災傷去處，有司若不來聞，本處耆宿連名赴京申訴災由，以馮優恤，罪有司極刑。○上謂學士劉三吾曰：天下人民之衆，豈能保其皆安？朕爲天下主，心常在民，惟恐有失所，故每加詢問，未嘗一日忘之。三吾對曰：聖心拳拳若此，恩德之及民深矣。上曰：恩德亦非泛然。

聖心奉奉若此。恩德之及民深矣。上曰。恩德亦非泛然。

兩者相因

醫如盧扁。不施藥石。病不自瘳。匠如公輸。不施繩墨。木不自直。君如堯舜。無紀綱法度之施。而但曰恩德。所謂徒善不足以為政也。○大學士朱善曰。古者人主致治。惟在任賢。上曰。然。任人之道。當嚴于簡擇。簡擇嚴。則庸鄙之人不進。當專于任使。任使專。則苟且之意不生。

八月詔以姜嫄公劉二廟入祀典。

九月。上諭戶部曰。人皆言農桑衣食之本。然弃本逐末。鮮有救其弊者。先王之世。野無不耕之民。室無不蠶之女。水旱無虞。飢寒不至。自什一之制湮。奇巧之技作。而後農乘之業廢。一農執耒。而百家待食。一女事織。而百夫待衣。

欲人無貧得乎。朕思足食在於禁未作。足衣在於禁華靡。爾宜申明天下。四民各守其業。不許游食。庶民之家。不許衣錦繡。庶幾可以絕其弊也。○大學士朱善講周易。至家人。上曰。一家之間。長幼內外。各盡其分。事事循理。則一家治矣。一家既治。達之一國。以至天下。亦舉而措之耳。朕觀其要。只在誠實而有威嚴。誠則篤親愛之恩。嚴則無閨門之失。善對曰。誠如聖論。未幾。以疾予告。卒于家。

印文周

善。豐城人。字備萬。隱居著述。以理學為己任。洪武初。為鄱陽學教授。薦為翰林修撰。以奏對失旨。放歸。尋復徵為待詔。陞文淵閣大學士。以疾賜歸。卒。
年七十二。所著有詩經解。順等集。

十月。命平涼侯費聚為總兵官。率指揮丁忠等。征廣南府。

命蜀王開武于中。都蜀王。上第十子也。詳

十月命平涼侯費聚為摠兵官率指揮丁忠等征廣南府

叛酋平之。○命蜀王閱武于中都。蜀王上第十子也。諱

根罷○先○好

椿。最有賢德。博通經術。及釋典。上所鍾愛。呼為蜀秀。

才。王至中都。首闢西堂。以讀書自娛。閱武餘暇。召儒臣李

叔。蘇伯徽。及名僧來復輩。與之講道論文。殆無虛日。復建

寶訓堂。尊奉祖訓錄。及前代帝王經典。命來復記之。又

命來復作正心觀道崇本敬賢四箴。以自警。

按來復字見心。豫章人。通儒術。工詩文。一時名士皆與之交。與高僧宗泐齊名。所著有蒲菴集。行世。見心嘗承

召賜食。謝詩云。淇園花雨曉吹香。手挽袈裟近御床。闕下彩雲生雉尾。座中紅苒動龍光。金盤蘇合來殊域。玉

盤醍醐出上方。稠疊濫承天上賜。自慙無德頌陶唐。上見詩。大怒曰。汝詩用殊字。是我為友。朱耶。又言無德

頌陶唐。是謂朕無德。則雖欲以陶唐頌我。而不能也。何物奸僧。敢大膽如此。遂誅之。○宗泐台州人。博通古今。

凡經書過目輒成誦善為詞章任持京師天界寺
一曰幸寺見其動止異常命蓄髮授官固辭。上不欲
奪其志從之。賜宗泐免官說常奉詔著心經金剛
楞伽三經有全室集行世國初名僧二人為首

復福州知府朱季用原官

官

時詔嚴革有司之為民害者至京論罪並作築城役有
朱季用者台州人由薦知福州府視事僅五月以例起
入京法司一切論罪任築城役日用錢糧十緡季用又
病痢被楚謂其子煦曰吾費力豈足堪此吾旦夕死矣
汝收吾骸骨歸葬爾煦惶懼不敢離左右復戒二弟共
守不少寐季用由是不得死時嚴告枉之令告而謫戍
雲南者三人被極刑者四人煦謀于父僚友同役者曰
吾無術以脫吾父訴不訴皆死萬一吾父由精誠訴獲免雖
戮死萬萬無憾遂陳其辭于通政司通政司以聞上
憫其情遂赦季用復其官同時緣此得免復官者士有
四人皆拜煦父謝曰非君有孝子吾儕骨肉為城下土
矣已而煦感疾卒季用傷煦死病亦甚亦死時人莫不
哀傷同郡王叔英修撰作孝子傳以傳

懷素

存心錄

存心錄成

編集歷代帝王祭祀感省躬錄成

存心錄
省躬錄

實政

天勸

聖文典論
師表裡為
奸治之宜

存心錄成。編集歷代帝王祭祀感省躬錄成。編災異之應

十一月築欽天監觀星臺于鷄鳴山。○孟子子孫有以罪

輸作者，上命釋之，併諭工部詢問。凡有聖賢後裔，在輸

作者，依律釋放。○宜興縣王簿，王復春不肯服民之利，以

狗上官之欲，陞常州同知，仍遣庶吉士楊靖齋勅勞之。

十二月封王禎為高麗國王，賜其故王顥謚曰恭愍。

丙寅 共 十九年

正月命頴國公傅友德、長興侯耿炳文等勦平雲南貴州

等處蠻夷。○上謂李善長曰：湖廣、江西直隸、府州縣六房

有主文先生，積年把持官府，蠹政害民，爾行文書，盡行起

治以從民
之便爲美

永至柔而
神則溺焉

取赴京發雲南五開等衛充軍。○雲南布政司張統言舊
例商人納米千金齒者每一斗給鹽十引以穀准米者聽
商旅輻湊儲畜充溢其後有司不許輸穀商少軍餉弗給
請仍其舊從之。○上謂侍臣曰治民猶治水治水者順其
性治民者順其情人情莫不好生惡死當省刑罰息干戈
以奠之莫不厭貧喜富當重農事薄賦歛以厚之莫不好
佚惡勞當簡興作節徭役以安之。
二月置行人司。○上與侍臣論曰不可儉者祭祀然祭不
可瀆不可儉者賞予然賞不可濫。○上諭戶部曰善理財
者不病民以利害必生財以阜民。

工亦民之一也宜
俸視之

聖祖賞罰
如雷霆雨
震
隨
物

四月議取各處工匠驗其丁力以三年為限更番赴京輸
作名曰輸班匠免其家徭役著為令○河南大水命贖民
鬻子

五月 上諭吏部曰國家人才非一日所能造就曩進士
魏安仁等六人嘗以過謫為浙江按察司書吏使知自新
今已歷年恐為小人所侮則終身喪志雖欲改過不可得
矣其召還用之○上聞嘉興崇德縣知縣晁輝縣丞齊搏
剛正能官遣行人齎勅往勞之○常州府官范好古奏言
行人王良至郡躡貨不謹命禮部遣人齎禮以勞仍令械
良至京罪之○處州麗水縣賣卜人怨望大姓陳公望等

五十七人。詰闕。誣告謀逆。知縣倪孟賢。詢父老無是事。謂僚屬曰。朝廷命孟賢。令是邑。惟欲撫輯斯民。安于則土。今使良善者受惡逆之名。豈朝廷命孟賢意也。卽具疏上聞。保○全○良○善○之○至○計○復令耆老四十人。詣闕辨其妄。上命法司論妄告者罪。賜諸老酒食。給道里費遣還。

六月。上謂禮部尚書李原名曰。尚齒所以教敬。事長所以教順。虞夏商周。莫不以齒爲尚。而養老之禮。未嘗廢。是以人興于孝弟。風俗淳厚。治道隆平。曩者詔天下行養老之政。尚慮有司奉行不至。爾其以朕命申之。

凡耆老年八十以上。鄉黨稱善。貧無產業者。月給米五斗。肉五斤。酒三斗。九十以上。歲加賜帛二匹。絮一斤。若

有田產足自贍者。止給酒肉絮帛。其應天鳳陽二府。民年八十以上。賜爵社土。或許冠帶。與縣官平禮。免雜

此遊尚齒
之政互舉
天下無不
遂之老矣

凡耆老年八十以上給酒三斗九十以上給酒五斗
有田產足自贍者止給酒肉絮帛其應天鳳陽二府官
民年八十以上賜爵社士咸許冠帶典縣官平禮免雜
汎差徭正官歲一存問給賜之物本州縣委敦
篤生員按月詣門禮送毋得給典陳粟著爲令

七月詔舉經明行修之士年七十以下者郡縣禮送京師
上諭禮部臣曰比來有司不體朕意士有耆年便置不闕
豈知老成古人所重文王用呂尚而興穆公不聽蹇叔而
敗伏生雖老猶足傳經豈可槩以耄而弃之也若年六十
以上七十以下者當置翰林以備顧問六十以下者則於
六部及布政司按察司用之

八月上覽宋史見太宗改封樞庫爲內藏庫顧謂侍臣
曰人君以四海爲家何有公私之別太宗宋之賢君亦復

如此。它如漢靈帝之西苑。唐德宗之瓊林。犬盈廩。不必深責也。宋自乾德開寶以來。有司計度支所缺者。必藉其數以貸于內藏。候課賦有餘。則償之。凡有司用度。乃國家經費。何以貸爲。缺而許貸。貸而復償。是猶爲商賈者。自與其家較量出入。及內藏旣盈。乃以牙籤別其名物。參驗帳籍。晚年出籤示真宗曰。善保此足矣。貽謀如此。何足爲訓。太宗首開私財之端。及其後世困於兵革。三司財帛耗竭。內藏積而不發。間有發緡錢幾十萬以佐軍資。便以爲能行其所難。皆由太宗不能善始故也。○六安侯王志卒。追封許國公。

按志臨濠人從起義洪武三年以平中原功多封祿九
百石七年增千六百石子威嗣二十三年罪謫安南衛
指揮卒
于域嗣

九月沐英奏雲南土地甚廣而荒蕪居多宜置屯田令軍
士開耕以備儲蓄上可其奏又謂邊地久荒艱于用
詔俟數年後方徵其歲輸之粟

十月頒志戒錄書凡百有餘事皆採輯唐漢為臣悖逆者
賜羣臣及教官諸生講誦使知所鑒

十一月詔長興侯耿炳文率陝西都司延安等衛官軍往
北平聽征

十二月造通濟聚寶三山洪武等門○河南盧氏縣王簿

然存義言三代漢宋之盛建邦設都率居中土蓋以大梁
 為天下之都會洛陽為中國之形勝誠帝王萬世之基也
 伏望取法前聖毋安于江左益隆大業以馭四友又言州
 縣之職於民最親而郡守實民之帥師宜選廉能之士授
 之若其廉能可稱則陞賞之貪污不木則黜罰之賞罰既
 明則天下自治又言唐虞之世命夔典樂天神格神鬼享
 自周之末鄭衛淫哇之音歷代因之未能復古宜修明雅
 樂以成一代之盛典倡優俗樂不可復用書奏上嘉之
 ○御製大誥三編成頒示天下初上以天下臣民塗元
 之汚俗往往不安職業觸罹憲章欲做成周大誥之制以

大誥三編

訓化之乃取當世事之善可為法惡可為戒者著為條目

訓化之乃取當世事之善可爲法惡可爲戒者著爲條目
大誥天下既而又慮誥條所載未能盡天下之情續爲一
編以申其意使民觀感知所勸懲自是民之作非者鮮從
化者多故又作三編大誥其意益切至詳盡上親爲之

序

按先是戶部侍郎郭桓等犯贓事覺連坐者衆因此遂
作大誥頒示天下令一切官民諸色人等戶有此一本
若犯笞杖徒流罪名每減三等無者每加一等所在臣
民熟觀爲戒見大誥末條後來官府斷獄遂有大誥減
一等之文其原出此後人不知其原槩以爲凡犯罪者
大誥皆減一等誤矣天下事忘源失委承訛踵謬如此

者何可
勝數

丁卯 洪武二十年

正月大祀天地于南郊禮成天氣清明聖情豫暢侍臣
進曰此陛下敬天之誠所致上曰敬天不獨嚴而有
禮在。有其實。天以子民之任付于君。爲君者欲求事天。必
先恤民。恤民者。事天之實也。卽如國家命任守令之事。若
不能福民。則是弃君之命。不敬孰大焉。又曰。人君父天。毋
地。子民。皆分所當盡。祀天地非求福已。實爲蒼生也。○軍
校丁成言。河南陝州地。有上綾下綾。上黃塘。下黃塘者。舊
產銀礦。前代嘗採取。今錮閉已久。請復採之。上謂侍臣
曰。凡此言利之臣。皆戕民之賊。朕聞元時。江西豐城之民。
告官採金。其初歲額猶足取辦。經久地產旣竭。民力消耗。

錮之

一州之人。卒受其害。豈宜效之。○詔修闕里孔子廟。

告官採金其初歲額猶足取辦經久地產既竭民力消耗

一州之人卒受其害。豈宜效之。○詔修闕里孔子廟。

二月。上躬耕籍田。遣官享先農。禮成。宴群臣于壇所。諭

之曰。耕籍。古禮也。一以供粢盛。一以勸農務本也。朕卽位

以來。恒舉行之。惟欲使民盡力於田畝。以遂其生養。非事

虛文也。今禮成。與爾羣臣享胙于此。非徒爲宴飲之樂。正

洪範欲羣臣知重農之意。○御注尚書洪範成命贊善劉三吾

序其後。上讀洪範太息。以爲天人之大統也。以敘彝倫。

立皇極。保萬民。叙四時。成百穀。皆本于天道。而驗于人事。

箕子爲武王陳之。武王猶曰。此五帝之道也。我未有能焉。

朕每爲惕然。命儒臣揭之座右。時覽焉。遂爲訓釋。○置兩

浙防倭衛所。○浙江蘇州等處進魚鱗圖冊。先是命戶部覈實天下田土。而兩浙富民畏避差役。以田產詭寄親鄰。佃僕謂之貼脚。詭寄相習成風。奸弊百出。謂之通天詭寄。而富者益富。貧者益貧矣。○重聞之。遣國子監生武淳等

往各處隨其稅糧多寡定為幾區。區設糧長四人。使集糧長者躬履田畝。以量度之。圖其田之方圓。次其事。悉書王名。及田之四至。編彙為冊。其法甚備。謂之魚鱗圖冊。至是成上之。

聖祖英明
無微不至
故一時任
事之人亦
不敢欺以
純今即有
一二賢守
令初未嘗
不銳意矣
量而積年
區極巧弊
起竟倦

按宋李朱子知漳州。以版籍不正。田稅不均。貧者有稅。無田。富者有田。無稅。公私不勝其弊。惓惓議行經界。因初魚鱗冊。即經界意也。嗚呼。自井田之法廢。而民得兼井。自限田口分世業之制不行。而富者田連阡陌。貧者

地無主。錐。君君子。已為之。長太自心矣。至是復商。詭寄之弊。富者坐享。無稅之田。貧者空納。無田之稅。富者無稅。而

通以荷且
成可奈
何

以理御數
則得其常
者多

地無立錐，君子已爲之長太息矣。至是復增詭寄之弊。富者坐享無稅之田，貧者空納無田之稅。富者無稅而差輕，貧者稅多而役重。富者益富，貧者益貧，無惑矣。歷考前代，禍亂多由于貧富不均，使奸雄得以爲辭。我聖祖所以深惟厝火積薪之慮，而亟加整頓也。今日此弊視國初並甚矣。經世君子，其可忽乎。

上謂侍臣曰：人君一心當謹嗜好，不爲物誘，則如明鏡止水，可以照鑑萬物。○上御華蓋殿，侍臣進講，因論人之善惡感召，亦有不得其常者。上曰：爲惡或免于禍，然理無可爲之惡；爲善或未蒙福，然理無不可爲之善。人惟修其在己者，禍福之來，則聽于天。彼爲善而無福，爲惡而無禍者，特時有未至耳。

三月雲南左布政張統秩滿來朝。上以統在雲南能撫

謂得其至
則刑平矣

綏夷人。俾復職。賜璽書勞之。○勝師出松亭關城。大寧。
夏四月。命江夏侯周德興往福建築城練兵防倭。○左都
御史詹徽奏有軍人犯罪當杖其人嘗兩得罪宥免宜并
論前罪誅之。上曰前罪既宥今復論之則不信矣使人
何所措手足且其罪至死而縱之則爲縱惡不至死而誅
之則爲濫刑今罪未至于死而輒欲殺之在爾有故人之
罪在朕無恤刑之仁皆不可也杖而遣之。

七月禮部請如故事立武學用武舉仍祀太公建武成王
廟。上曰三代之上文武兼備用無不宜即以太公之鷹
揚而授冊書仲山甫之賦政而式古訓召虎之經營而陳

文德豈若後世武學專講韜略不事經訓專習干戈不聞

文德豈若後世武學專講韜略不事經訓專習干戈不聞俎豆拘于一藝之陋哉今又欲循舊立武學用武舉建廟甚無謂也太公宜從祀帝王廟其武成王廟罷之○定親王歲祿五萬石○真臘國貢象及香

按真臘本扶南屬國一名占臘在東海中隋始通中國唐神龍中并扶南而國分爲二其南近海多陂澤爲水真臘北多山阜爲陸真臘後復合爲一宋宣和初封爲真臘國王慶元中破占城立其國人爲占城王占城遂爲屬國又有參半真里登流眉蒲甘等國皆屬真臘聚樂人衆地亦廣其俗尚侈華陳向爲上右手爲潔縣鎮風習大類占城王二日一視朝婚娶燃燈不息視力耕種產銅金諸香象翠羽嘉樹異魚洪武六年來貢至是正黎列保昆耶甘苦者遣使貢象五十九隻香六萬斤

八月封何真爲東莞伯食祿一千五百石賜鍤券子孫世

襲

真自歸附以來、歷山東、江西、叅政、山西、浙江、湖廣、布政使、致仕、至是念其歸附之誠、授以封爵、仍賜第于京師。

官其
三子。

九月故元納哈出降、赴京入見、上賜一品服、封為海西

侯、其所部官屬悉賜衣服冠帶、授以指揮千百戶有差、俾

各食祿、不任事、分隸雲南、兩廣、福建、各都司處之。

殘元臣孽已盡、惟納哈出尚擁眾金山、數擾邊、于是以

正月命征虜大將軍宋國公、瑪勝、左右副將軍、穎國公

傅友德、永昌侯藍玉、左右叅將、南雄侯趙庸、定遠侯王

弼、東川侯胡海、武定侯郭英、統軍三十萬往征之、納哈

出聞之、棄金山、巢穴、營于新泰州、去遼陽千八百里、王

師既行、臨江侯陳鏞所部與大將軍異道、相失、陷虜死

六月、勝等率師踰金山、至女直、若屯、納哈出部將全國

公觀童來降、初納哈出分兵為三營、一日榆林、深處、一

日養鷄、為莊、一日龍安、一秀河、輜重、當盛、畜牧、審息、虜主、

曰養鷺莊。一曰龍安。一禿河。輜重富盛。畜牧蕃息。虜主數招之。不往。及是大將軍逼之。納哈出計窮。乃刺吾因勸之降。納哈出猶豫未決。大將軍馮勝遣馬指揮往諭之。納哈出乃遣使至大將軍營。陽爲納款。而實覘兵勢。勝遂遣藍玉往。一禿河受其降。虜使見大將軍勝。還報。納哈出聞之。乃指天嘖嘖曰。天不復與我有此衆矣。遂率數百騎自詣玉降。玉大喜。出酒與之飲。甚相歡。納哈出因酌酒酌玉。玉請先之。納哈出卽飲訖。復酌以授玉。玉解衣以衣之。謂曰。請服此。而後飲。納哈出不肯服。玉亦持酒不飲。爭讓久之。納哈出取其酒澆地。顧其下咄咄語。將脫去。時鄭國公常茂在坐。其麾下有趙指揮者。解胡語。以告茂。直前縛之。納哈出大驚起。欲就馬。茂拔刀砍之。傷臂。不得去。都督耿忠遂以衆擁之。見勝。納哈出所部妻子將士凡十餘萬。在松花河北。聞納哈出被傷。遂驚潰。餘衆欲來追。勝遣前降將觀童往諭之。于是其衆亦降。凡四萬餘。并得其名愛馬。所部二十餘萬人。羊馬驢駝輜重亘百餘里。納哈出有二姪不肯降。勝復遣人諭之。乃折弓矢擲于地。亦來降。勝以禮遇。納哈出復加慰諭。令耿忠與同寢食。遣使奏捷。仍奏常茂驚潰虜衆。遂班師。悉以納哈出來降將卒妻子。及其輜重俱

卷八

德

南行仍以都督濮英等將騎兵三千為殿其驚竄之衆
開大將軍旋師以其降卒俱行甚憾之設伏邀之英等
後至伏發英粹為所乘衆寡不敵英復馬蹄遂見執自
剖腹而歿英廬州人少以勇敢聞累功陞中軍都督僉
事至是沒于虜上聞之驚悼持贈開國輔運推誠宣
力武臣追封金山侯謚忠襄大將軍馮勝捷奏至上
以常茂驚潰虜衆即令械送京師上聞大將軍馮勝
等在軍事多不律遣使勅諭勝及副將軍傅友德藍玉
王弼郭英曰古之名將為國效忠勛名十載在我朝若
徐達常遇春平定華夏未嘗行一不義所以功成名遂
近以沙漠未清命爾等率師何期馮勝專為己私播惡
胡中古之名將豈如是耶及旋師之際部伍無法致使
濮英等人馬三千陷沒于虜又不聽朕命擅發留守大
寧軍卒遂遺殘胡後患凡若此者論以國法皆在不宥
朕以將軍嘗有戰功姑容自新若改行易慮庶可保全
以圖後功往來人言頗多舉其大槩於將軍亦報哉馮
勝械常茂至茂勝之婿也勝每于衆軍中折之茂不堪
出不遜語勝銜之及納哈出降而虜衆驚潰勝欲自解
故歸咎于茂而奏之茂既至陳所以降納哈出之故
上內召勝還令藍玉行總兵官事茂以父遇春功免死

安置廣

西龍州

乙未天壽聖節受朝賀宴羣臣於奉天殿皇太子宴國戚暨東宮官於文華殿○建北平行都指揮使司於大寧

十月徙建歷代忠臣漢秣陵尉蔣子文晉尚書令卞壺南唐節度使劉仁贍宋武惠王曹彬元御史大夫福壽等廟于鷄鳴山之陽每歲致祭著爲祀典○上與諸將論兵政上曰國家用兵猶鑿之用藥可蓄藥以治疾不可無疾而服藥國家未寧用兵以戡定禍亂及四方承平只宜修甲兵練士卒使常有備蓋兵能弭亂亦能召亂若恃其富強喜功生事結怨啓釁適以召亂正猶醫家妄以瞑眩之藥

既成

皇明從信錄 卷八
三六
強進無病之人。縱不殘軀殞命。亦傷元氣。爾等皆有軍旅之寄。宜深體朕意。○上以北方學校無明師。生徒廢學。命吏部選南方學官有學行者教之。○罷馮勝歸鳳陽。○永城侯薛顯卒。追封永國公。○以河南府學訓導葛鈞爲翰林侍講學士。

十二月命征虜大將軍永昌侯藍玉右副將軍武定侯郭英統大軍征北虜。又命靖寧侯葉昇普定侯陳桓統兵征東川普定等處蠻寇。○上以武臣出自戎伍。罔知憲典。往往罹法。乃親製大誥二十二篇訓之。俾知守紀律。撫軍士。立勲業。保爵位。并令其子孫誦習。○韶州府知府王世安

請舉唐賢相張九齡、宋名臣余靖、祠典從之。○晉府長史

桂彥良卒

漢高不事詩書，狃于馬上之習，晚年得一陸賈，不過縱橫策畧之餘。光武號稱講藝論道，而一時儒彥寂寥無聞。一子陵不屑就己，唐太宗、宋太祖雖皆好文之主，而溺于詞賦，狃于俗習，帝王之道，稽古之學，槩未之聞焉。我聖祖以武功定天下，而崇尚文學，如飢渴之于飲食，每得儒臣，皆待以腹心，帷幄朝夕，咨訪不倦，而往往戒諸將親近儒生，至于解經析義，又多天縱神啓，有非老師宿儒之所能及。是豈溺冠嫚罵者所能彷彿其萬一哉！但一時將略足備戡定，而文儒相業猶不甚稱。聖心至使不得已而委致于庸輩，是豈其所欲也。故于陶安之卒，甚加悼惜，晚年亟稱桂彥良之賢，而不及用，惜哉。

封都督張赫爲航海侯，食祿二千石，子孫世襲。赫先以軍功歷陞至都督，洪武己未，命督遼東海運，至是每歲一行。

大功

折衝風濤。勤勞備至。軍食賴之。同時有都督朱壽者。亦以督運糧餉有功。封舳舻侯。食祿世襲。與赫同。○河間阜城驛馬戶以孳生馬來進。上曰馬戶芻豆之給。其費不經。故嘗命驛馬孳生。聽民出賣。今復來進。豈朕言不信耶。無亦有司奉行不至也。其還之。

戊辰

洪武二十一年

正月命穎國公傅友德統蕃漢大軍征勦雲南諸蠻寇。○雲南平緬蠻叛。結砦于馬龍也。卽甸之摩挐勒。總兵沐英遣都指揮審正擊破之。斬首千五百級。○諭吏部曰。爲國以任人爲本。作奸者不以小才而貸。果賢者不以小疵而棄。好者必懲。庶不廢法。宥過而用。則無棄人。諸城知縣陳

棄好者必懲。庶不廢法。宥過而用。則無棄人。諸城知縣陳

及民者之
過其過可

棄奸者必懲。庶不廢法。宥過而用。則無棄人。諸城知縣陳
允恭。前任以簿書之過。謫戍雲南。比有言其治縣時。能愛
民者。即有過。亦可用也。召復還其官。○陞浙江道御史凌
漢為右都御史。漢鞫獄平恕。人有德漢者。遇諸途。厚報以
金。漢曰。子罪當爾。律有定法。非我私子。何以金為。廉得其
事。故有是擢。

二月詔以歷代名臣從祀歷代帝王廟。

風后、力牧、臯陶、夔龍、伯夷、伯益、伊尹、傅說、周公旦、召公
奭、太公望、召虎、方叔、張良、蕭何、曹參、陳平、周勃、鄧禹、馮
異、諸葛亮、房玄齡、杜如晦、李靖、李晟、郭子儀、曹彬、潘美、
韓世忠、岳飛、張浚、木華黎、博爾忽、博爾木、赤老溫、伯顏
凡三十
有七人、

遣官祀歷代帝王。初帝王廟爲五室，祀伏羲至元世祖。凡十七帝。至是去隋文帝、凡十六帝。○故元四大王來降，上憫而宥之，且厚其賜賚，命隨西平侯沐英戍守雲南。○大將軍藍玉送降胡寡婦一百六十二人至京，命以文綺帛衣四百八十餘襲，鈔一千二百三十錠給賜之。

三月平緬復舉，衆號三十萬，戰象百餘。寇定遠沐英自將精銳二萬往討之。旬餘抵賊營，遣都督馮誠以輕騎三百挑之。賊驅萬衆乘二十象來戰，誠一戰殺賊數百人，獲一象而還。英喜曰：吾知賊不足破也。即令諸將曰：破賊之術多置火銃、神機箭，分吾將士作三行。俟彼象近，則前行之。

銃並別派外隊。並石象未混。則第一一行者繼之。第二二行者又繼之。

多置火銃神機銃。分五將士作三行。俟敵象近。則前行之

銃箭齊發。若象未退。則第二行者繼之。第三行者又繼之。銃聲不絕。象以反走。然後大軍乘之。破之必矣。明日賊悉衆驅百象來戰。象皆披甲。背負戰樓。若欄楯然。挾大竹筒於兩傍。置短鎗其中。標射遠近。英分軍爲三。命馮誠領其前。審正領其左。都指揮湯昭領其右。復申令曰。今日之事。有進無退。進而捷者。一級必重賞。退而覓者。一隊必盡戮。於是將士皆鼓勇而進。陣旣交。彼象在前。我前軍火箭銃砲連發。雷擊電走。山谷震動。象皆反走。寇之勇而力者曰。昔刺亦殊死戰。我左師小却。英登高望之。命左右取帥之首來。左帥遙見一人。拔刀飛騎而下。麾衆復前。英責戰益

功在不祧

策

筌言

急三軍大呼而鑿賊衆大敗斬首三萬餘級俘萬人生獲七十四象餘象皆被矢如刺蝟以死巨帥刀斯郎斯郎理各中百餘矢斃象背上餘黨走死山谷中生還者百無二三自是諸蠻讐服平緬歲入貢賦不復反矣○廷試進士賜任亨泰等及第出身有差亨泰襄陽人上命有司建狀元坊以旌之建坊如此○上召試官陳宗順等諭之曰今日觀列子鄰子竊鐵之事因思人之疑信皆生于心信心常出于忠厚疑心必起于偏私夫信其所好疑其所惡乃人之常情是故不可不察也君之于臣好而信之讒言雖至而不入惡而疑之毀謗不召而自來苟能以大公至

正之心處已待人則自無獨信偏疑之私其或反乎公道

雖至而不入惡之而疑之毀謗不召而自來苟能以大公

正之心處已待人則自無獨信偏疑之私其或反乎公道

而不得好惡之正末有不流于一徧者也因給紙筆令諸

儒撰疑信論○上覽史因論田子方貧賤驕人之說上

曰驕凶德也富貴而驕人則不足以得天下之士貧賤而

驕人適足以取辱于也良然要之君子當以恭敬為本子方之

言抑揚太過蓋有所激而云○東莞伯何真卒上親為

文遣官諭祭之命其子榮襲封東莞伯

按真能保境安民識時達變歸命真主光被寵榮策

勲盟府大非一時羣雄所及歸朝之後復能一心事

上夙夜畏威惟勅一時黨禍方熾而真獨無所染事

高皇帝踰二十年未聞有微譴加焉此尤一時功臣所

難也若真者

可以為賢矣

四月藍玉等率師由大寧進至慶州聞虜主脫古思帖木兒在捕魚兒海間道兼程而進師至百眼井去海四十餘里哨不見虜欲引兵還定遠侯王弼曰吾等提十餘萬衆深入虜地今略無所得遽言班師勞師費財何以復命玉深然之戒諸軍皆穴地而爨毋令虜望見烟火師遂進丙辰黎明至捕魚兒海南飲馬偵知虜主營在海東北八十餘里玉以弼爲前鋒直薄其營虜始謂我軍乏水草必不能深入不設備又大風揚沙晝晦軍行虜皆不知虜主方欲北行整軍馬皆北向忽大軍至其太尉蠻子率衆拒戰敗之殺蠻子及其軍士數十人其衆遂降虜主脫古思帖

木兒與其太子天保奴知院捏怯來丞相失烈門等數十

敗之殺蠻子及其軍士數十人其衆遂略虜王脫古思帖

木兒與其太子天保奴知院捏怯來丞相失烈門等數十

騎遁去玉率精騎追之出千餘里不及而還獲其次子地

保奴等六十四人及故太子必里秃妃并公主等五十九

人其詹事院同知脫因帖木兒將逃六馬竄伏深艸間禽

之又追獲吳王朶兒只代王達理麻平章八蘭等二千九

百九十四人軍士男女七萬七千三十七口得寶璽圖書

牌面一百四十九宣勅照會三千三百九十道金印一銀

印三馬四萬七千匹駝四千八百四頭牛羊一十萬二千

四百五十二頭車三十餘輛聚虜兵甲焚之遣人入奏遂

班師。

癸亥

按初元順帝遁于沙漠既殂國人謚曰惠宗太子愛猷識理達臘立十一年殂謚曰昭宗次子益王脫古思帖木兒立九年值藍玉北征益王走至也速迭兒之地爲下所弑其部屬皆奔散其後裔自是日微今所稱小王子卽元裔也正統之中也先近日吉囊俺荅不孩之屬皆小王子之強臣也

五月乙酉五色雲見○都督張銓從征平東川蠻有功封永寧侯

七月贈故金山侯濮英爲樂浪公尋封其子璵爲西涼侯

○宋國公馮勝往東昌等處調達軍隨雲南達兵至常德四川等處皆叛命鳳翔侯張龍統兵追至重慶悉誅之○

藍玉遣人送虜王次子地保奴及后妃公主等至京地保奴及后妃獻金印金牌賜鈔二百錠命有司給第宅廩餼

俾就居京師，既而有言玉私元損德王妃事。上怒曰：玉無禮。

胡不拒之乎初

如此，豈大將軍所為哉？元王妃聞之，惶懼自盡。地保奴由

是有怨言。上聞之曰：朕初以元世祖主中國，時有恩惠

及民，不可無嗣。嘗與儒臣議欲封地保奴，以盡待亡國之

禮，彼乃如此，豈可以久居內地？於是遣使護送居琉球，仍

善全

厚遺資遣之。○海西侯納哈出卒，命其子蔡罕襲爵，改封

潘陽侯。○遷山西澤潞二州民之無田者往彰德、真定、臨

清，歸德、太康，開墾荒蕪，免其賦役三年，仍戶給鈔二十錠，

以備農具。

八月丁卯，征虜大將軍永昌侯藍玉等還朝。上謂玉曰：

爾率將士北征功最大然虜主妃來降不能遇之以禮乃

縱欲汗亂又嘗恃勞遣人入朝覘伺動靜此豈人臣之道

哉今憫爾功勞屈法宥爾爾其率德改行以慎厥終玉頓

首謝于是論功行賞賜玉白金二千兩鈔一千錠文綺五

十匹左副將軍延安侯唐勝宗右副將軍武定侯郭英白

金一千兩鈔四百錠文綺一十匹餘各賜白金鈔文綺有

差○宴征北諸將於奉天殿上賦平胡詩二章命羣臣

和之○御製諭武臣勅頒之將士一曰守邊之將撫軍以

恩二曰邊境城隍務宜高深三曰修築城池葺理以漸四

曰操練軍士習於閒暇五曰軍士頓舍勤於點視六曰體

念軍士毋以加害七日事機之會同僚盡心八曰沿海衛

念軍士毋以加言。七日事機之會，同僚盡心。八日沿海衛所嚴於保障，凡八條頒之將士，永爲遵守。○安慶侯仇成卒，追封皖國公。

九月傅友德等將兵討阿資，道過平夷，以其山勢峭險，密通龍海，宜築堡駐兵屯守，以捍蠻夷。遂遷其山民往居早上村，留神策衛千戶劉成等領兵千人樹柵置堡其地。後以爲平夷千戶所。阿資等率衆寇普安，燒府治，大肆剽掠。因屯普安，倚崖壁爲寨。傅友德等以精兵蹙之，蠻衆皆緣壁攀崖墜死者不可勝數，生擒一千三百餘人。阿資遁還越州，沐英遣都督竄正從傅友德擊阿資於越州，敗之，斬

其黨大頭、并宗等五十餘人。阿資勢窮蹙，與其母請降。初阿資之遁也，揚言曰：國家有萬軍之勇，而我地有萬山之險，豈能盡滅我輩。英乃請置越州馬隆、二衛扼其衝要。又分兵追捕，至是勢窮遂降。○改建歷代帝王廟于鷄鳴山之陽。

冬十月乙丑，頒武士訓誡錄。上以將臣於古昔善惡成

敗之事，未能通曉，特命儒臣編集中明，以鉏麈、樊噲、金日磾、張飛、鍾會、尉遲敬德、薛仁貴、王君廓、僕固懷恩、劉闢、王彥章等所爲善惡爲一編，釋以直辭，俾蒞武職者日親講說，使知勸戒。○時廣西江西指揮耿良戴宗以科斂激變

致亂坐罪。上曰：武臣不知受命守禦之方，與夫崇名激變

說使知勸戒。○時廣西江西指揮耿良戴宗以科斂激變致亂坐罪。上曰：武臣不知受命守禦之方，與夫崇名爵享富貴，福及子孫之道，乃爲保守。勅頒之，使知鑒戒。○勅五軍都督府申諭天下衛所屯種。勅曰：養兵而不病於農者，莫若屯田。今海宇寧謐，邊境無虞，若但使兵坐食於農，農必受弊，非長治久安之術。其令天下衛所督兵屯種，庶幾兵農兼務，國用以舒。古之良將若趙克國輩，皆以此策樹勛當時，垂名後世。其各鎮諸將務在程督，使之盡力於耕作，以足軍儲，則可以繼美於古人矣。○進封永昌侯藍玉爲涼國公，孫恪爲金寧侯。

按王征北還論功行賞擬封玉梁國公適有發其私元主妃者上聞大怒事中止至是念其勞改封涼國公

仍鑄是
過于券

信國公湯和鳳陽新第成和率妻子謝上降手勅褒嘉

賜和黃金三百兩白銀一千兩鈔一千五百錠文綺四十

端夫人胡氏亦賜黃金三百兩白金一千兩鈔五百錠彩

段三十端○以庶吉士解縉爲監察御史未幾遣歸進學

縉吉水人天性英悟奇絕七歲能賦詩日記數千言年十

八舉江西鄉試第一連登是年進士上親選授爲庶吉

士讀中秘書日侍左右特被寵眷一日寓大庖西室諭之

曰爾縉試舉今日施政所宜直述以聞縉退即草封事凡

萬言以進極論悉陳無所諱忌上嘉其識時兵部侍郎

萬言以進。極論。悉陳。無所諱忌。上嘉其誠。時兵部侍郎

沈潛。忌縉才。誣其狎侮胥隸。上不聽。擢監察御史。適都

御史袁泰。怙勢恣橫。諸道御史欲糾之。無敢執筆為章者。

縉揮筆立就。歷詆其奸狀。上慮縉少涵養。將為眾所傾。

召其父至。諭之曰。才之生甚難。而大器者晚成。其以而子

歸。益進其學。又諭縉曰。朕與爾義則君臣。恩猶父子。其歸

盡心于古人。後十年來朝。大用爾。未晚也。

生平精誠

按解縉封事。其要畧有云。陛下進人不擇于賢否。授職不量于重輕。建不為君用之法。所謂取之盡錙銖。置

朋奸罔上。倚法為奸之條。所謂用之如泥沙。又言陛下誠信有間。用刑太繁。每多自悔之時。輒存無及之歎。

又言律以人倫為重。乃有給配夫婦之條。聽之于不義。恐傷節義之化。又言太常非俗樂。可疑。官妓非人道所

為。可以禁絕。釋老之壯者。宜出之。使復人倫。經呪之妄者。悉火之。以杜俗惑。治曆用方向。煞神。天德。月德之類。

供人所不
敢言

最甚不經。但申播種之時。不用建除之謬。又言陛下天資清高。而學問不充。善端間發。而心學無素。典師取資。真偽莫明。神仙徵應。誕謾莫信。申明旌善之亭。徒為虛設。藍田呂氏鄉約。義門鄭氏家範。可以頒行。又言祀天宜復掃地之規。尊祖宜備七廟之制。庵寺宦官之命。公卿子弟之賢者。以代掃除之役。敕有司課弓手。教民兵。習射于農隙。以備不虞。又言監生進士。多困州縣。孝廉人材。驟歷華要。推埋負販者。冠裳與馬赫奕。賢者羞為等列。庸人習其風流。以貪婪苟免為得計。以廉潔受刑為飾辭。故有無錢工役無盤纏之俚諺。鬪勝官人沒商量之童謠。宜任用忠良。弗任意喜怒生殺。按解縉封事萬言。皆治平良規。惜不能備錄也。抑縉言切直如此。聖祖非惟能容之。且愛護而玉成之。恩猶父子。真一時非常之遇也哉。

以卓敬為給事中。敬性剛直。論事無所顧避。上器重之。

時諸王在宮中。服飾有擬太子者。敬乘間白於上曰。宮

中朝廷視效。紀綱攸先。今陛下於諸王。不早辨等威。而

有城者

使在宮中。服飾有與太子等。嫡庶相亂。尊卑無序。然則何

中朝廷視效紀綱攸先今陛下於諸王不卑辨等威而

使在宮中服飾有與太子埒嫡庶相亂尊卑無序然則何以令天下耶。上笑曰卿言是吾慮未及此耳。

卓敬浙江瑞安人是年進士建文中遷禮部左侍郎嘗密奏防宗藩之變後竟死難

徐允恭嗣封魏國公封常昇開國公

十二月安南黎季犛弑其主燂立叔明子日焜主國事

浙江圖書

皇明從信錄卷八

皇明從信錄

三

皇明從信錄

卷八

三六



浙江圖書館



浙江圖書館


浙江圖書館善本

中圖號：004870

一九五二年



浙江圖書館



浙江圖書館


浙江圖書館善本

登記號：004870

一九 年 月 日



浙江圖書館





浙江圖書館

